



第一一二册

四庫全書

● 上海古籍出版社

本冊目次

樂城樂城樂城
城城城城
應第後
詔三
集集集集

宋蘇

轍撰

……

一

欽定四庫全書

集部
樂城集卷二

詳校官庶吉士_臣胡鈺

檢討_臣何思鈞覆勘

總校官進士

_臣朱

鈐

校對官助教

_臣胡

予襄

膳錄監生

_臣王

濤

欽定四庫全書

集部三

樂城集

別集類二_京

提要

欽定四庫全書

樂城集

臣等謹案樂城集五十卷樂城後集二十四卷樂城第三集十卷應詔集十二卷宋蘇轍撰轍有詩傳已著錄考晁公武讀書志陳振孫書錄解題載樂城諸集卷目並與今本相同惟宋史藝文志稱樂城集八十四卷應詔集十卷策論十卷均陽襟著一卷焦竑國史經籍志則又於樂城集外別出黃門集七十卷均與晁陳二家所紀不合今考樂城集及後集三集共得八十四卷宋志蓋統舉言之策論當即應詔集而誤以十二卷為十卷又復出其目惟均陽襟著未見其書或後人擬拾遺文別為編次而今佚之歟至茲所載黃門集宋以來志不著錄疑即樂城集之列名

欽定四庫全書

樂城集卷一

宋 蘇轍 撰

詩五十二首

郭綸

綸本河西弓箭手屢戰有功不賞自歎州都監官滿食不能賒惟嘉州監稅

郭綸本者種騎闕西戎流落初無罪因循遂龍鍾嘉州已經歲見我涕無窮自言將家子小小學彎弓長遇西鄙亂走馬救邊陲手挑大矛所往如技空平生事

欽定四庫全書

樂城集

苦戰數與大寇逢昔在定川寨賊來如羣蜂萬騎擁酋帥自謂白相公揮兵取其元模糊腥血紅戰勝士氣振赴敵如旋風蚩蚩虺蜥將不信勇且忠遙語相勸誘一矢摧厥胸短兵接死地日落沙塵蒙馳歸不敢息馬口銜折鋒誰知八尺軀脫命萬死中忽聞南蠻叛羽檄行忽忽將兵赴危難瘴霧不辭銜行經賀州城寂寞無人蹤攀堞堦不見人據為築壘一旦賊兵下百計燒且攻三日不能陷救至遂得通崎嶇有成績元帥多異同有

功不見賞憔悴落已實已矣誰復信言之氣胸胸予不識郭綸聞此為敘客一夫何足言竊恐悲羣雄此非介子推安肯不計功郭綸未嘗敗用之可前鋒

初發嘉州

放舟沫江濱往意念荆楚擊鼓樹兩旗勢如遠征戍紛紛上船人櫓急不容語余生雖江陽未省至嘉樹曉曉九頂峯可愛不可住飛舟過山足佛脚見江潯舟人盡敘客競欲揖其拇俄頃已不見烏牛在中渚移舟近山

欽定四庫全書

樂城集

陰壁峭上無路云有古郭生璞此地苦箋注區區辨蟲魚爾雅細分鱗洗硯去殘墨過水如黑霧至今江上魚項有遺墨處覺物悲古人嗟此空自苦余今方南行朝夕事鳴榔至楚不復留上馬千里去誰能居深山永與禽獸伍此事誰是非行行重回顧

過宜賓見夷中亂山

江流日益深民語漸已變岸闊山盡平連峯遠非漢慘慘瘴氣青薄薄寒日暖峯巒若崖石草木條幹短遙想

彼居人狀類麕鹿窺何時遂平定成卒從此返

夜泊牛口

行過石壁盡夜泊牛口渚野老三四家寒燈照疎樹見
我各無言倚石但箕踞水寒雙脰長疎袴不蔽股日莫
江上歸潛魚遠難捕稻飯不滿盂饑卧冷徹曙安知城
市散中此田野趣祇應長東饑寒暑不能苦

戎州

江水通三峡州城控百蠻沙昏行旅倦邊靜禁軍閑漢

欽定四庫全書

卷一

虜更成市羅統新不還殺獲棟楸密換馬瘦孱顏兀兀
頭垂髻團圞耳帶環夷聲不可會爭利苦間關

舟中聽琴

江流浩浩羣動息琴聲琅琅中夜鳴水深天濶音響遠
仰視牛斗皆從橫昔有至人愛奇曲學之三歲終無成
一朝隨師過滄海留置絕島不復迎終年見怪心自感
海水震掉魚龍驚翻回落滴有遺韻琴意忽忽從此生
師來迎笑問所得撫手無言心已明世人驚驚好絲竹

撞鐘擊鼓浪謂禁安知江琴韻超絕擺耳大笑不肯聽

泊南井口期任達聖

期君荒江濱未至望已極朔風吹烏裘隱隱沙上立愧
余後期至先到犯寒色既泊問所如歸去已無及繫舟
重相邀雨冷塗路濕

江上早起

晨興孤舟上盥濯夜氣清整巾未遑坐雙橈輒已鳴日
出江霧散江上山從橫區區茅舍翁曉出露氣腥收筒

欽定四庫全書

卷一

得大鯉愛惜不忍烹持之易斗粟朝飢厭魚羹蕭蕭遠
風起泛泛野鴈驚忽過百餘里山水互變更逢舟問所
如彼此不知名起超江湖間殊勝地上行旦游市井喧
莫宿無人聲江上誠足樂無怪陶朱生

江上看山

朝看江上枯崖山樵悴荒榛赤如赭暮行百里一回頭
落日孤雲靄新畫前山更遠色更深誰知可愛信如今
唯有巫山最穠秀依然不負遠來心

山胡

山胡擁蒼髯兩耳白茸茸野樹啼終日黔山深幾重啄
溪探細石噪虎上孤峯被執應多恨筠籠僅不容

白鵲

白鵲形似鵲搖曳尾能長寂寞懷溪水低回愛稻梁田
家叱鷄驚野食薦杯鵲肯信朱門裏徘徊占玉塘

屈原塔

在志州

屈原遺宅秣歸山南賓古者已子園山中遺塔知幾年

欽定四庫全書

卷一 樂城集

五

過者遲疑不能識浮圖高絕誰所為原死豈復待汝力
臨江慷慨心自明南訪重華訟孤直世人不知徒悲傷
強為築土高岌岌

嚴顏碑

亦在志州

古碑殘缺不可讀遠人愛惜未忍磨相傳昔者嚴太守
刻石千歲字已訛嚴顏平生吾不記獨憶城破節最高
被擒不辱古亦有吾愛善折張飛豪軍中生死何足怪
乘勝使氣可若何斫頭餘死子無怒我豈畏死如兒曹

匹夫受戮或不避所重壯氣吞黃河臨危閒暇有如此
覽碑慷慨思橫戈

竹枝歌

志州作

舟行千里不至楚忽聞竹枝皆楚語楚言啁啾安可分
江中明月多風露扁舟日落駐平沙茅屋竹籬三四家
連春並汲各無語齊唱竹枝如有嗟可憐楚人足悲訴
歲樂年豐爾何苦釣魚長江江水深耕田種麥畏狼虎
俚人風俗非古處處予不嫁如等閒雙鬟垂頂髮已白

欽定四庫全書

卷一 樂城集

六

負水採薪長苦艱上山採薪多荆棘負水入溪波浪黑
天寒斫木手有龜水重還家足無力山深瘴暖霜露乾
夜長無衣猶苦寒平生有似麋與鹿一旦白髮已百年
江上乘舟何處客列肆喧譁占平磧遠來忽去不記州
罷市歸船不相識去家千里未能歸忽聽長歌皆慘悽
空船獨宿無與語月滿長江歸路迷路迷鄉思渺何極
長怨歌聲苦淒淒不知歌者樂與悲遠客乍聞皆掩泣

望夫臺

在志州南十里

江上孤峯石為骨望夫不來空獨立去時江水拍山流
去後江移水成磧江移岸改安可知獨與高山化為石
山高身在心不移戀爾行人遠行役

八陣磧在夔州

漲江吹八陣江落陣如故我來苦寒後平沙如匹素乘
高望遺迹磊磊六十四遙指如布碁就視不知處世稱
諸葛公用東有法度區區落囊斜軍旅無闊步中原竟
不到置陣使無所茫茫平沙中積石排隊伍獨使後世
人知我非莽齒奈何長蛇形千古竟不悟惟餘桓元子
久視不能去

灩澦堆

武云上
有古碑

江中石屏灩澦堆盤靈夏禹不能摧深根百丈無敢近
落日紛紛鳬鴈來何人磊落不畏死為我赤脚登崔嵬
上有古碑刻奇篆當使盡讀磨蒼苔此碑若見必有怪
恐至絕頂遭風雷

八峽

舟行瞿唐口兩耳風鳴號渺然長江水千里投一瓢峽
門石為戶鬱怒水力駭扁舟落中流浩如一葉飄呼吸
信奔浪不復由長篙掀枕破漬旋畏與亂石遭兩山威
相值望之不容初漸近乃可入白鹽最雄高草木皆倒
生哀叫悲玄猿白雲繚長袖零露如飛毛緬懷澤水年
慘感病有堯禹益決岷水屢與山鬼塵摧罔轉大石破
地蹴洪濤峻峻當道山斬截肩尾銷峭壁下無趾連峯
斷脰腰破處不生草上不挂鳥巢水怪不盡幾下有龍
欽定四庫全書

前集
卷一

勞

巫山廟

山中廟堂古神女楚巫婆婆奏歌舞空山日落悲風吹
舉手睚眦道神語神仙潔清非世人瓦釜傾醪薦麋脯
予知神君竟何自西方真人古王母飄然乘風遊九州
竭渡西海薄中土白雲為車駕蒼虬駘乘湘君宓妃御
天孫織綃素非素衣裳飄飄薄烟霧泊然冲虛眇無營

朝食屑玉嚙瓊乳下視人世安可據超江乘山去無所
巫山之下江流清偶然愛之不能去滿崖激作相喧喧
白花翻翻龍正怒竟使大禹導九州石隕山隊幾折股
山前恐懼入無措稽首山下苦求助丹書玉笈世莫窺
指示文字相爾汝壁山洩江幸無苦庚辰虞余實相禹
功成事定世莫知空山俄頃千萬古廟中擊鼓吹長簫採
蘭為殮蕙為肴玉岳薦艾香飄蕭龍勺取酒注白茅神
來享之風飄飄荒山長江何所有豈有瓊玉薦汝寥神
君聰明無我責為我驅獸攘龍蛟乘船入楚汭巴蜀濱
旋深惡秋水高歸來無恙無以報山上麥熟可作醪神
君尊貴豈待我再拜長跪神所勞

巫山廟烏

巫廟真人古列仙高心獨愛玉爐烟飢烏巧會行人意
來去紛紛噪客船

贈君村

峽女王牆繼屈須入宮曾不愧秦妹一朝遠遂呼韓去

欽定四庫全書

樂城集

九

三遊洞

洞前危逕不容足洞中明曠坐百人蒼崖碑兀起成柱
亂石散列如驚麋清溪百丈下無路水滿沙土如魚鱗
夜深明月出山頂下照洞口纔及唇沉沉深黑若大屋
野老篝火青如燐平明欲出迷上下洞氣飄飄為橫雲
深山大澤亦有是野鳥鳴噪孤熊蹲三人一去無復見
至今冠蓋長滿門

寄題清溪寺

在硤州見
谷子故居

清溪鬼谷子雄辯傾六國視世無足言自閉長默然蘇
張何為者欲竊長短術學成果無賴遂為世所惑顛倒
責諸侯傾轉莫可執後世何不明疑我不汝及誰知居
深山玩世可終日君觀二弟子死處竟莫得容齊自披
裂投魏求寄食悠悠清溪中石亂流水急溪魚為朝食

欽定四庫全書

樂城集

十

老死得安穴居亂獨無言其辯吾不測

息壤

在荆南
南門外

江上寒沙薄如席一夕墳起成高丘江流傾轉力不勝
左鑿石吐非自由南郡城南獨何者平地生長殊不休
當中屋背不盈尺深入百大皆石樓古人不知下有怪
發破不掩水漲浮傳言夏繇塞洛水上帝愛此無敢偷
竊持大畚負長鐮刺取不已帝使流禹知水怒非塞止
網捕百怪雜蜃鰕掘壞入土不計丈投擲填壓聲鳴啾

欽定四庫全書

卷一

十一

一時既定憂後世恐此竊出壞九州神人已死無復制
故以此土封其頭發之輒滿不可既意使靈物長幽囚
前年大旱千里赤眼土盈掬雨不收誰言咫尺舊黃壤
中有千歲龍與此高山萬仞猶可削嗟此何獨生如疣
天長地遠莽無極雖有缺壞誰能賙我疑天意固有在
患世多事窮鵲鏤挺陶鼓鑄地力困久不自補無為憂
世無女媧空白石磊磊滿地如浮漚耕田鑿井自無已
息壤無幾安能酬

荆門惠泉

泉源何從來山下長溪發油然本無營誰使自激列茫
茫九地底大水浮一葉使水皆為泉地已不勝洩應是
眾水中獨不容至潔涓涓自傾瀉奕奕見清澈石泓淨
無塵中有三尺雪下為百丈溪冷不受魚鼈脫衣沈中
流解我雙足熱樂哉泉上翁大早不知渴

答荆門張都官維見和惠泉

荒涼荆門西泉水誰為洩發源雖甚微來意不可折平
鋪清地滿皎皎自明澈甘涼最宜茶羊炙可用雪炎風
五月交中夜吐明月太守燕已遠青嶂空嶽嶽泉上白
髮翁來飲杯饌闕酌水自獻酬箕踞無禮節區區游泉
人常值午日烈回首憂重城實玩安能徹

荆陽早發

春氣入楚澤原上草猶枯北風吹栗林梅蘂颯已無
我行亦何事驅馬無疾徐楚人信稀少田畝任蒼蘼
空有道路人擾擾不留車悲傷彼何懶歎息此亦愚

今我何為爾豈亦愚者徒行行楚山曉霜露滿陂湖

襄陽古樂府二首

野鷹來

野鷹來雄雉走蒼茫荒榛下毳毼大如斗鷹來蕭蕭風雨寒壯士臺中一揮肘臺高百尺臨平川山中放火秋草乾雄雉肥飽走不去野鷹飛下風蕭然嗟我野鷹臺人去臺已圯高臺不可見況復呼鷹子長歌野鷹來當年落誰耳父生已不武子立又不強北兵果南下擾擾如驅羊鷹來野雉何暇走束縛籠中安得翔可憐野雉亦有爪兩手掉鷹猶可傷

襄陽樂

誰言襄陽苦歌者樂襄陽太守劉公子千年未可忘劉公一去歲時改惟有州南漢水長漢水南流岷山碧種稻耕田沉沒尺里入種麥滿高原長使越人耕大澤澤中多水原上乾越人為種楚人食火耕水耨古常然漢

水魚多去滿船長有行人知此樂來買樣頭縮項編

雙鳬觀在萊

王喬西飛朝洛陽飄飄千里雙鳬翔鳬飛遭網不能去惟有空屨鳬已亡誰知野鳥不能化豈必雙屨能飛揚鳬神屨怪當有在極首野廟春風長

懷匱池寄于瞻兄

相攜話別鄭原上共道長途怕雪泥歸騎還尋大梁陌行人已渡古靖西曾為縣吏民知否微學為北蘇薄未赴而中第舊

欽定四庫全書

樂城集

十四

宿僧房壁共題

微曾與于瞻應舉過宿縣中題其老僧未聞之壁

還想獨遊

佳味少無言驢馬但鳴嘶

辛丑除日寄于瞻

一歲不復居一日安足惜人心畏增年對酒語終夕夜長書室幽燈燭明照席盤雜菜羹羊炙錯魚腊庖人饌雖免家味竟如昔有懷岐山下展轉不能釋念同去聞里此節三已失初來寄荆渚魚鴈賤宜客楚人重歲時爆竹鳴礫礫新春拾五田凍未生麥相攜歷唐許

花柳漸牙拆居梁不耐貧投杞避嫌嚴城南岸齋靜終
歲守墳藉酒酸未嘗飲斗美每共笑謂言從明年此會
可懸射同為洛中吏相去不盈尺濁醪幸分季新筍可
餉伯嶺嶺嵩山美漾漾洛水碧官閒得相從春野玩朝
日安知書閣下羣子並遭讎偶成一朝榮遂使千里隔
何年相會歡逢節勿輕擲

次韻子瞻戒降諸縣囚從事畢登覽

山川足清曠閑閑巧構因安得城阿御因為移滿遊還

欽定四庫全書

蘇軾集

五

知因淚汗遠出散幽憂原濕繁分繡村墟盡小侯春深
春樹綠野闊渭河流四顧神蕭瑟前探意汲浮勝觀殊
未已往足詎能收下坂如浮舸登崖劇上樓強行腰偃
僂困坐氣咻咻鳥語林壑靜花明澗谷幽濯溪驚野老
伐路駭他州中散探深去大洲到處留聽琴峯下寺弄
石水中洲溪冷泉水脚山高霧遠頭石潭清照骨瀑水
漱成鈎仙廟鳴鐘磬神官秉鉞劉養生聞帝女服氣絕
彭儼故宅猶傳尹先師不喜丘居人那識道過客設傳

驕巖谷誠深絕神仙信有不雲居無几杖霞珮素錦鼓
約隱連山霧龍潛百尺嵌門閑誰與叩桃熟浪傳偷紺
髮清無比方腫凍不倖會須林下見乞取壽年修板去
和雞犬相隨若旆旄乘風遠騷裏長嘯賤筌從從騎衣
皆羽前驅鬣盡蚪安能牽兩足雙得快雙眸自昔辭鄉
樹南行上楚舟萬江窮地脉三峡束天溝雲暗鄧都晚
波吹木樨秋尋溪緣窈窕入洞聽颼颼空寺收黃栗荒
祠畫伏虎登臨雖永日行邁肯停輶舊縮今何事攀躋

欽定四庫全書

蘇軾集

五

昔已悠魏京饒士女春服聚蟬蛸雷動車爭陌花搖樹
繁樾遊人紛蕩漾野鳥自嚶呦平日曾經洛閨居願卜
緜空言真比夢入渴漸成愁早退嘗相約辭驚痛自摟
愛山心劫劫從宦興油油海宇都無礙山林盡可投願
為雲上鶴莫作盎中儵適性行隨足謀生富給啖今遊
雖不與後會豈無由畫出同穿履宵眠共覆裘弟兄真
欲爾朋好定誰憐試寫長篇調何人肯見酬

次韻子瞻太白山下早行題崇壽院

山下晨光晚林梢露滴昇峰頭斜見月野市早明燈樹
時猶藏鵲堂開已饌僧據鞍應夢我聯騎昔嘗曾

次韻子瞻延生觀後山上小堂

謝公遊意未能厭踏盡登山屐齒尖古殿神仙深香杳
香爐烟翠起纖纖巖花寂歷飄瓊片庭檜蕭疎涵玉蟾
帝子英歸人不見微風細雨自開簾

唐玉貞公主
修道於此山

次韻子瞻題仙遊潭中興寺

潭邊沙水不成泥潭上孤禽挂嶮啼繚繞飛橋能試客

欽定四庫全書

樂城集

十一

蒙茸翠萼巧藏溪雲為絳帳馬融室石作屏風玉女闌
仙果知君今未足臨潭脚戰怕長梯

石鼻城

千山欲盡垂為鼻百戰皆空但有城虎闌穴中秦地恐
龍飛渭上漢江傾靡人未有章邯怨魏將猶存仲達精
睥睨陵遲春草滿白羊無數向風鳴

碻溪石

呂公年已莫擇主渭河邊踞餌留雙膝臨溪不計年神

專能陷石心大豈營鰓不到碻溪上安知自守堅

邵塢

董公平昔甚縱橫晚歲藏金欲避兵當日英雄智相似
燕南趙北亦為京

樓觀

老聃厭世入流沙飄蕩如雲不可遮弟子憐師將去國
闕門望氣戴還家高臺尚有傳經處畫壁空留駕犢車
一投遺書無復老不知何苦服胡麻

此觀尹喜舊宅神
仙傳言尹喜於流

欽定四庫全書

樂城集

十一

沙之西風
巨跡實

次韻子瞻秋雪見寄二首

秋氣蕭騷仍見雪客愁繚繞動繁心幽吟北戶寒聲細
歸夢函關馬迹深深疎樹飛花輕荻荻衰荷留柄亂簪簪
暹聞詩酒皆推勝社客何人近納隄
平時出處常聯袂文翰叨陪舊服膺自信老兄憐弱弟
豈關天下少良朋何時杯酒看浮白清夜看疏粗滿登
離思隔年詩不盡秦梁雖遠速須鷹

次韻子瞻聞不赴商幕三首

怪我辭官免入商才疎深畏忝周行學從社稷非源本
近讀詩書識短長東舍久居如舊宅春蔬新種似吾鄉
閉門已學龜頭縮避謗仍羞雉尾藏

雖藏不能盡見
鄉人以爲恥

南商西洛曾虛暑長吏居民怪不來妄語自知當見棄
達人未信本非才厭從貧李朔東閣懶學張緩兩腮
知有四翁遺跡在山中豈信少人哉

欽定四庫全書

卷一

七

科第空收領底髡西鄙猖狂猶將將中朝閒暇自師師
近成新論無人語仰羨飛鴻兩翅差

次韻子瞻病中大雪

吾兄筆鋒雄詩俊不可和雪中思清絕韻惡愈難奈
勤賦黃竹自勸飲白鹽言隨飛花落意與長風簸餘力
遠見標千里寄雅瑳嗟予學久廢有類轉空磨研磨久
無得安可待充貨空記乘峽船行意被挫剝溟濛覆洲
渚冷冽光照坐我唱君實酬馳騁不遑卧譬如逐獸虛

豈覺山徑柯酒有助喧熱筆硯盡需沈詩詞禁推類令
肅安敢破亦有同行入牽挽赴程課爾來隔秦魏渴望
等飢餒徒然遇佳雪有酒誰與賀

次韻子瞻記歲莫鄉俗三首

觀歲

周公制鄉禮無有相通佐鬯肉送子思烝豚出陽貨交
親隨高低豈問小與大自從此禮衰伏臘有飢卧鄉人
慕古俗酬酢等四生東鄰遺西舍迭出如蟻磨寧我不
飲食無爾相答過相從慶新春顏色買愉和

欽定四庫全書

卷一

七

別歲

富貴日月速貧賤覺歲遲遲速不須問俱作不可追親
舊且酣飲送爾天北涯歲歲雖無情從我歷四時酌爾
一杯酒留我壯且肥長作今歲歡勿起異日悲掉頭不
肯顧曾莫與我辭酒闌氣方橫豈信從爾衰

守歲

於菟絕繩去顧兔追龍蛇是歲壬寅奔走十二蟲羅網不及

遮嗟我地上人豈復奈爾何未去不自聞將去乃諠譁
天上驅獸官為君肯停轡魯陽揮長戈日車果再斜醺
酒勸爾醉期爾雙蹠踈偕醉違爾去壽考自足誇

記歲首鄉俗寄予瞻二首

踏青

江上冰消岸草青三三五五踏青行浮橋浚水不勝重
野店壓槽無復清松下寒花初破萼谷中幽鳥漸嚶鳴
洞門泉脉龍睛動觀裏丹池鴨古生山下餅罌雷稚孺
欽定四庫全書
卷一
樂城集
三
峰頭鼓樂聚簪纓縞裙紅袂臨江影青蓋驂駟踏石聲
曉去爭先心蕩漾莫歸誇後醉從橫最憐人散西軒靜
曖曖斜陽著樹明

蠶市

枯桑舒才葉漸青新蠶可浴日晴明前年器用隨手敗
今冬衣著及春營傾因計口費餘粟買箔還家待種生
不惟箱篋供婦女亦有鉏鉏資男耕空巷無人關客治
六親相見爭邀迎酒肴勸屬坊市滿鼓笛繁亂倡優聲

蠶叢在時已如此古人雖沒誰敢更異方不見古風俗
但向陌上聞吹笙

予瞻寄示岐陽十五碑

堂上岐陽碑吾兄所與我吾兄自善書所取無不可歐
陽弱而立商隱瘦且梢小篆妙詰曲波字美婀娜譚藩
居顏前何類學顏頗魏華自唐淬峻秀不包裏九成刻
賢俊磊落雜么麼英公與褒鄂戈戟聞自荷何年學操
筆終歲惟箭筈書成亦可愛藝業嗟獨夥余雖謬學文
書字每憊憤車前駕騏驎車後繫羸蹏逾年學舉足漸
亦行駢駢古人有遺迹筵短不及鏤願從兄發之洗硯
處兄左

欽定四庫全書

樂城集

三

樂城集卷一